



Projet promovût di 'La Vôs dai Furlans' e 'ARLeF'

La conte de setemane



Ailîs e je la biele fie di une strie, che e vif impresonade intune torate. Un biel dì e cognòs un princip e...

Cjalìn insieme "Blancje come la nêf" de serie Sul Troi des contis su





Lu saveviso che...?

I ucieluts a patissin il frêt e, di Inviêr, a fasin fature a cjatâ di mangjâ. Noaltris o podìn dâur une man: al baste lassâ fûr, tal zardin o sul barcon, un pocje di aghe clipe, semencis o tocuts di pome. Cualchi specie si nudris mangjant di par tiere, come i petiròs e i mierlis; altris invezit, come la parussule, a àn miôr mangjâ rimpinâts cul cjâf par jù e a becotin lis semencis e lis balutis di gras.



Piture il dissen



Cumò fâs tu!

Cjale ben il dissen e cîr i ogjets chi in bande.



Ridi a plene panze!

Al fâs trimâ ducj cence meti pôre. Cui isal? Il frêt!

Pagine curade dal Sportel Regionâl pe Lenghe Furlane de



Vuelistu tornâ a viodi lis pontadis di Maman!? **Cirilîs su**



ANCJE 'ON DEMAND' SU telefriuli

Cjale lis gnovis pontadis su **telefriuli**

Vinars aes 18.30 e in repliche domenie aes 7.00 e aes 13.00

STELIS E LUSIGNIS Noa



Roc. Cualchi zornade tu sês svearin, cualchi altre indurmidît, cjate une vie di mieç.



Gjambar. Tu âs di sclarîti miôr cuntun ami, che nol à capît ben parcè che tu ti compuartis cussi.



Belance. Chestis zornadis ti platin plui di une sorprese, soredut tai rapuarts cu lis personis.



Bec di mont. Timp indaûr tu âs semenât une vore ben e cumò e je ore di cjapâ sù i risultâts.



Taur. Tu âs pôre che i bêçs no ti bastin, ma se tu stâs daûr dal to program, no tu âs di vè pôre di nuie.



Leon. Tu âs salt tal cjâf un pinsîr che ti fâs rabiâ, ma cussi il probleme no tu lu disberdeis.



Sgarpion. Cualchidun al cîr di fâti inçopedâ, tu âs di moviti prime che si inacuarzedi di jessi stât scuviert.



Agarûl. Sul lavôr tu sês une fuarce e ducj ti amirin, ma ancje la tô famee e merete il to timp.



Zimui. La invidie e je une brute bestie, soredut se tu le âs par cui che ti vûl ben.



Vergjine. Finis di pensâ che tu rivis a otignî dut, al è miôr contentâsi di dulà che tu rivis, che al è za tant.



Sagjitari. Lis stelis ti dan un biel sburt tai afârs di bêçs, tu âs di approfîtâ ancje parcè che l'aiar al zire.



Pes. No tu rivis a durmî par un probleme che al è li par rivâ, ma no pierdi il sium ti judarâ a frontâlu miôr.

